

乾隆韓城縣志

澤地第二

韓城縣志卷二

形勢

通志韓城縣治在州東北二百二十里東至山西榮河縣界
十五里西至神道營石堡洛川縣界一百二十五里南至後
窰頭邵陽縣界四十里北至宜川縣界一百二十里東南至
黃河榮河縣界二十里西南至營鐵邨邵陽縣界七十里東
北至龍門山西河津縣界六十里西北至北池山下宜川縣
界一百二十里距省四百四十里

南至邵陽縣治九十里西南至澄城縣治一百二十里西至
洛川縣治二百八十里西北至宜川縣治二百二十里東南
至山西榮河縣治三十里

王盛重修儒學記龍門界其東北大河中瀉而左旋梁山鎮

於西南濠水內出而右繞

舊志三嶺龍蟠於後古城虵舒於前東阻湯湯洪水西塞巖巖疊峯馮翊幽壤關中與區

續志西枕梁麓千巖競秀北峙龍門九曲奔流諸水襟帶其前大河朝宗於外崇巒峻嶺回環疊抱封域宅中地造天設登高而望之如織如繡鬱鬱葱葱聲名文物之盛雄於西京非偶然也

舊有八景爲騷人名士所游覽詠歌者曰禹門春浪曰橫山隱界曰象嶺春曉曰龍潭飛閣曰魏峯摩霄曰龍泉秋色曰濠水噴雪曰蘇柏南柯今增以十二景曰禹門神蹟曰韓祠芳艸曰蘇峯黛色曰太史高墳曰韓原古道曰長城塞雁曰少梁隄柳曰高門殘照曰香山雲寺曰圓覺疎鐘曰橫山煙

兩曰左院棠華凡鄉邑之中每標以八景十景十二景雖緣飾故套然亦足爲山川紀勝焉故仍之

城池

舊志韓之城郭北屏韓原南臨潏水韓奕詩曰溥彼韓城燕師所完蓋名城也自周抵今城之基飭不知凡幾今欲志其世如詩而不可得焉城延一里二百四十三步袤一里三百二步環六里六十五步高三丈址廣三丈三尺面廣一丈六尺雉堞一千三百有八警鋪三十有二城門四四門洞壘咸甃甃甃之臺上爲樓樓各懸書門名東曰迎旴門南曰潏淳門西曰梁奕門北曰拱宸門前爲橋橋下爲隍隍環城深幾二仞嘉靖二十一年知縣全文勑四門月城厥後去焉至今人念之不置隍外爲郭南郭臺門知縣王應選勑之西郭則

縣丞劉泮也東郭則邑民成之北郭民居徙於三關里閉蕃衍道路多岐開門以此尚有待云

省志韓城縣城池詩所稱溥彼韓城燕師所完者後無攷唐王勃有登城樓寓望序金大定四年改置棹州修築之周四里百五十九步高二丈五尺池深二丈門四東曰迎昕西曰梁奕南曰濂淳北曰拱宸明嘉靖二十一年知縣全文創四門月城後廢崇禎三年堯上下各三尺遇雨輒崩五年知縣左懋第新西關門樓更名曰望甸十三年大學士薛國觀特疏於朝而捐堯焉知縣石鳳臺首捐堯敵臺者二薦紳以次竣工更題其門東曰黃河東帶西曰梁奕西襟南曰溥彼韓城北曰龍門盛地

本朝雍正七年知縣劉方夏修築重葺四門樓鼓樓在縣前

解署

舊志大堂五間有軒有臺有閣

前嘉靖二十年知縣全文修

左右有廊廊

各八間前爲儀門三間

儀門嘉靖十年知縣馮錄建

大門臨街三間東側

爲旌善亭爲申明亭大門內東墀爲賓賓館

萬曆三十三年知縣馮進建

儀門少南爲德樓

萬曆十八年知縣馮進建

樓臺甃甃巖然具瞻也堂東

側爲幕庭三間堂後又有堂五間左右室各三間後堂之後

則縣令之宅也有廡有寢有刻舍有書圃通枕岡巒居中離

向東則承西則幕承之宇視令少減幕之宇視丞又減焉胥

吏公廨雖列幕署之前固同倉廩則森然譙樓東西而土地

祠則東而西也

通志云晉書云西本漢唐舊治

按府志韓城舊縣在薛封土嶺下又案元時縣

治諸各元至正二年縣尹解榮祖重修明洪武

三年主簿黃如復修成化癸卯知縣吳雄重構正廳教諭王
時敬記之嘉靖十年知縣馮錄建儀門三楹萬歷二十九年
堂傾於雨知縣戴章甫重修顏曰忠愛堂東西有庫前爲虛
訊軒後爲退省堂門廊圍悉葺之御史張士佩爲記三十
三年知縣蘇進建賓館旌善申明二亭大門三楹崇禎甲
戌知縣左懋第建梅花書屋

本朝康熙十五年知縣王廷選重修堂廡三堂東爲鴻雪堂知
縣翟世琪修建乾隆四十八年知縣傅應奎重修內署
丞廨在縣堂東後員裁地廢知縣傅應奎勸文昌祠於中并
建號舍以課諸生

典史廨在大堂西

教諭廨在禮學教一亭前

訓導解在敬一亭右

陰陽學在縣治東北

醫學在縣治東南

察院在縣治東久廢

府廳分司在察院東久廢知縣翟世琪重建又廢

遊擊署在柳溝城內

續志神道嶺在縣西一百二十里界西延二府萬山間寇盜出沒無常依山爲窟宅順治十二年都諫高辛允特疏上請

築城柳溝設遊擊一員千總一員把總二員兵馬步五百今

汰額三百五十分鎮宜川孟家嘴邵陽縣城外洛川石堡伏

奔霄消民獲安枕

城守把總署在北門外圓覺寺大殿西偏起寨下

兵防

神道嶺營

馬遊

遊擊一員千總一員把總二員外委千總一

員

馬戰兵一百二十六名步戰兵八十五名守兵五十九名

駝峒柳溝遊擊一員馬戰兵六十名步戰兵四十名守兵二

十八名分防洛川縣孟家嘴千總一員馬戰兵二十三名步

戰兵一十五名守兵一十二名分防洛川縣石堡川把總一

員馬戰兵一十五名步戰兵一十名守兵九名分防郿陽縣

把總一員馬戰兵一十七名步戰兵一十五名守兵一十名

接防韓城縣外委千總一員馬戰兵一十名步戰兵五名

委千總一員仍
在該馬兵數內

馬步守兵歲共支八月銀三千五百八兩四月糧一千七百五十四石

官員馬一十二匹兵丁馬一百二十六匹歲共支六月乾銀七百四十五兩二錢六月料七百四十五石二斗草四萬九千六百八十束

演武場在城東半里

城內地以營名者五東西南北中每營有伏魔大帝廟各修祀事又爲坊者十南北社各五隸北社者曰北社學坊曰安樂坊曰俊傑坊曰德馨坊曰鑄寶坊隸南社者曰儒林坊曰長樂坊曰集義坊曰南社學坊曰韓樂坊蓋金元征戰時守城者屯兵於此後卽其地奉祀神明而爲鄉社也

通志韓城東至黃河接山西省界二十五里馬五匹馬夫二名半歲支銀一百六十三兩三錢八分六毫遇閏加遞馬銀三十五兩五錢三分六厘

內撥邊塘馬二匹馬夫一名

雍正七年裁馬一匹九年買補一匹

陝甘資政錄韓城縣總舖在縣治前南十里陳邨舖十里芝川舖十里馬林莊舖至邵陽縣大寨舖十里共設舖遞四處舖司兵十七名每年支工食銀七十八兩五錢六分

學校

舊志明倫堂五間東西爲齋齋亦各五間明倫堂北爲敬一亭南爲先師廟東西爲廡廡各一十三間前爲廟門又前爲櫺星門廟之塹東有牲舍神厨俱兌向厨舍之南爲名宦祠

則離向環廟爲路東曰由仁西曰行義皆師儒日所允蹈門
皆稱曰儒學行義路之西爲鄉賢祠北爲啟聖宮由仁路之
東爲射圃亭北爲文昌祠教諭宅一在明倫堂左訓導宅二
一在文昌祠東少南一在啟聖宮西廟學之前東有聖域坊
西有賢關坊南有屏壁三

學宮初參錯民居而迫隘堪輿家歎之邑民楊福厚以五十
金易院二區而廣西南程愛以地五畝而擴東北學基用是
始成正大

續志學宮重修於天啓甲子爲廣文黃岡王一桂載修於順
治丙戌爲廣文朗陵彭冲霄又修於康熙己未爲邑令三韓
王廷選

通志學宮在縣治東明洪武四年知縣周吉誠重建天順五

年知縣王問修河東薛瑄記成化十八年知縣吳雄重修邑人王盛記嘉靖二年知縣鄭鉞增修唐龍有記萬歷十三年知縣馬攀龍戴章甫繼修邑人張士佩記之

尊經閣在明倫堂後宏治庚戌夏縣令陳留楊遇春建廣文泰和初匡作上梁文

學田二十一畝六釐四毫五絲租銀二十七兩九錢四分二釐七毫四絲又知縣劉方夏倡捐銀四百四十八兩零典買地十五畝八分房院一所除納糧外實租銀三十八兩二錢爲月課分胙之用

蘿石書院縣令張廷元舊祠也在南門外官路西枕城臨濠近眺西山遙迤如箕康熙四十二年縣令康行儻建祠于此祀明崇禎間縣令左懋第爲室三楹塑像其中左公字仲及

號蘿石嘗講學其地祠右書院因以命名歷年久遠盡行頽廢至乾隆五十二年縣令傅應奎重修

少梁書院在縣南二十二里芝川鎮城內初康熙間縣令康行側建義學五所城中文廟一東司一城外左公祠一芝川一簪村一雍正八年邑令劉方夏建社學三所邑城芝川簪村各一歲月既久盡行頽廢乾隆五十二年縣令傅應奎重修蘿石書院創建汪平書院以芝川係韓邑首鎮舊有芝陽書院在鎮城南門外頽廢無存公改建于城內且倡衆捐金八伯餘兩生息爲諸生延師束修之資易名曰少梁書院

汪平書院在縣衙左側乾隆五十二年縣令傅應奎以邑城中舊有龍門書院地傍市井甚非課士之所又以童試時同僦縣署自脩文凡既苦負擔亦非體統因於蘿石少梁諸書

院告成後創建於茲中設講堂五間左右齋房爲諸生肄業之所夫齋房之制自省會以及郡縣書院率皆東向西向依次直列公以不便肄業設東西兩齋共二十四間俱南向每所三間中間牖各北向冬夏咸宜一時稱美善焉前有號房東西各十二間爲童試文場中門扁曰騰蛟起鳳東西有角門又前爲大門規模宏整由照牆北望肅如也大堂後門房四間宅門內東西廂房各三間最後樓五間尊奉文昌帝君聖像配以福德元神與考房異地聳祀大魁星君高閣後先輝映且又倡衆捐金八十餘金置地二百七十畝市房五座取租銀七百一十兩爲廩生膏火束修之資斯役也丁未春經始戊申春告成落成之日綠額汪平汪平者公之別號也公字文軒號清渠汝南世族青年登賢書爲人風流倜儻

官多惠政而治事嚴明除奸剔弊人號神君尤雅意作人邑
人士謂樂育曲成使肄業有所盡試有其地諸生膏火有
所資鉅制宏開盡美盡善皆助自我公因卽公之別號以爲
名焉亦猶左公書院之以蘿石命名誌遺愛也

公所

演武場在城西南臨河

陰陽學在太微宮

醫學在開聖廟

僧會司在慶善寺

道會司在城隍廟

養濟院在南門外

義塚凡四一在山底邑令祝鍾賢立一在瀾西邑令王宗旦

祠祀

立一在澗南邑令張延元立一在雙樓儒士孫榮宗捨地立
舊志縣之大政在祀而韓之祀典風雲雷雨則壇於邑之巽
域社稷則壇於邑之乾域邑屬則壇於邑之坎域城隍則廟
於邑之艮域此皆建置也

神禹廟

元史世祖本紀至元元年七月龍門禹廟成

明一統志禹廟在縣東北八十里

按縣山川志載龍門山縣東北六十里一名禹門又考左懋
第禹廟序禹門之上禹廟在焉賈志神禹廟注在龍門山上
有碑記縣志禹王廟在龍門西岸上是禹廟在縣東北六十
里非八十里也明一統志似誤

本朝康熙四十一年重修

子夏廟

在縣西南二十里西河卽明崇禎初知縣左懋第重修其一
在縣東五里卜家卽乃卜氏後裔於康熙三十七年創建至
今奉祀弗替邑人劉蔭樞記略云河津縣西北五里許曰辛
興有冢一邱相傳爲子夏墓居人多卜姓歷代封祀元末人
民遷徙卜氏多涉河而西生齒漸盛逢拜埽日躬西河者苦
涉河爲阻爰建祠祀焉

關帝廟

在縣治北一在北城門內

龍王廟

在縣南龍泉寺歲春秋祀

宋勅封河濱靈源王廟

在縣東五里漁邨大觀初因河清勅建有碑記

縣西三里許有河神廟邑人劉蔭樞因水流自西東注勢激難渡勅立石橋并建廟以祈保護焉

后土祠

在縣西南巍山止宋真宗祈嗣於此山下有駕封坪蓋駢蹕之所

太微宮之東亦有巍山娘娘廟

張士佩曰娘娘廟者稽之鄉社之禮而協焉雖多不爲煩何也坤稱母娘者母之謬也社者土之神也夫人食地之毛而春祈秋報此鄉社之禮古有之而遺於今者春祈冬古風故娘娘廟獨多焉而巍山之廟之祀其尤一方之所傾軋者乎

韓山奕應侯公孫杵臼程嬰三廟

俱在堡安邨

韓侯廟在縣西北里許春秋祭祀

陳平廟

在東關

太史公廟

在縣南二十里

蘇武廟

在縣西北五里姚莊春秋祭祀

法王廟

在縣北三十里西莊

案神姓房名寅以宋眞宗夢中治疽顯勅封五嶽法王於槐

柏相抱間營宇繪象以崇典禮每歲清明四方來祀者輻輳
縣冊明崇禎五年黃生姚起鳳等行實碑記

東關外亦建法王廟

郭子儀廟

在縣北十五里

慶善寺

明一統志在縣治東南

唐貞觀二年勅修宋至和元年重修有仁宗賜額

開化寺

在管邨唐勅建賜名彌勒下生寺宋興國二年勅改今名內

有明馬文莊詩

圓覺寺

在北門外唐建高爽宏麗爲一邑勝概宋咸平元年重修王
欽若書額

本朝順治中起高樓及東西廡並彌勒洞

龍泉寺

在縣城南二里唐時創建

西覺寺

在縣南三十里唐時建

石佛寺

在縣南芝川鎮

廣濟寺

在縣南二十里宋時建

方山寺

在縣西五十里

竹林寺

在柳枝邨

名勝志云距西莊數里映水開軒者曰竹林寺寺之前簷簷如林小桃夾岸鶯鳴聲與泉韻相宜爲觴詠清境

清微觀

在縣東宋乾道九年建

玉虛觀

在縣西關金承安三年勅賜觀名明成化七年道士程居實重修觀內玉皇殿

本朝康熙二十年居民張印明重修御史賈宏祚撰碑
雲陽觀

在芝川鎮

紫雲觀

在縣西北三里元至元七年勅修令史段秉昭有記

橫山觀

在縣西十五里西川藥樹邨

太微宮

在縣治東北元至元二年創建匾曰金闕寥陽之殿

玉皇閣

在城北邨

迎山觀

在北關迤西

靈貺觀

在西莊法王廟西

玉皇殿

在大象山上

真人閣

在龍潭上

清虛莽

在西川

明真菴

在西河邨

悟真觀

在彭邨

靈陽觀

在芝川西

菩薩殿

五所在東池南池西池北池中池五山上

香山寺

在縣西南山底洞

天神廟

在桶谷坡東北里許

府君廟

在芝川鎮大會以十月十日

八蜡祠

在西門外十月一日大會

九郎廟

在城內神晉趙文子也以等祀春秋用豕一羊一

高神殿

在縣南八里一邱特起故名會以三月二十八日

能仁寺

在嵯峯

觀音寺

在縣北梗邨

聖壽寺

在上干谷村

廣福寺

在周村

圓通寺

在姚莊邨

彌陀寺

在寺莊邨

興教寺

在賀龍邨

道堂寺

在王任邨

天元寺

在西園邨

雲峯寺

在薛峯北山

建福寺

在王莊邨

嚴福寺

在獨泉邨

聖母祠

在芝川

孟姜女祠

在大崩邨今廢雷神有記

孫真人祠

在北街二月初二日會

白姑易祠

在縣南十里陳邨崇禎十一年二月邑令左懋第建十一月十五日大會康熙十六年邑令王延選修四十年邑令康行

師重修始用春秋祭豕一羊一

左公祠

一在縣西北蘇山子卿廟旁邑侍御賈宏祚建春秋祭用豕一羊一一卽蘿石書院題額曰君子祠

三官殿

在馬林莊侍御賈宏祚建前設茶房以飲行人置田百十畝鑿井二

三官洞

在芝川司馬坡上

八仙洞

在灘子邨

老子洞

在橫山

雷神洞

在橫山

古仙洞

橫山石穴也劉仙居之羽化故名後郝真人淨元居之亦仙去洞僅容膝中寬而外狹

紫翠洞

在芝川西祀雲房子鍾離肖像其中禱雨靈應張平武公進昌自蜀歸衝冠而行日夕危懼忽睹一人虬髯裸腹總二角手雲烟一壺容與與前前後後緩急若引導然幾二十日掠殺滿路而公巧值其隙過汧隴始不見公默然曰此雲房子護我也至家有薛姓者兩世奉鍾離忽一夕夢中辭去云爲張

尹導路故爲之記云

古蹟

孟姜女石上手跡

在大崩邨長城旁姜女尋夫哭而城崩

明一統志姜女負夫遺骸歸死同官北三里石穴中

司馬坡

今芝川南原大路坡也純以石砌因太史公墓得名

晉漢陽太守殷濟精廬

水經注陶渠水東南流逕晉漢陽太守殷濟廬

舊志在古夏陽城西北

唐郭汾陽王故處

一在郭莊一在王驛村相傳子儀曾駐節於此又云其子郭

暖所居又云王女下嫁於帶邨張氏以文水渠爲浣洗所

白田邨

在香山下白樂天先世所居也

張康節故里

在芝川鎮舊有坊

周原堡

一名胡家寨相傳元末胡將軍屯兵處三面陡絕東臨大河
高數百尺稱爲天塹

橫山藏書穴

道士郝淨元坐山洞中羽化去遺書藏石碑下邑盧生發得
之多祈禱術遂能致雷雨大約道藏中五雷訣也後以術死
其亦京房之易乎

馬文莊公讀書處

在西山

禹門水中石

上有刻龍門二字其大如斗水落石出人始見之不得書者姓氏亦不知何代所刻

趕趕寨塔

在圓覺寺北造於金大定十三年癸巳五月五日因地震崩缺康熙四十一年知縣康行憫重建

物產

續志韓土地所出不異他邦以饒水故裕稻而土門口以內西山下爲尤盛以域狹故粟麥獨缺而仰給者上郡之洛川宜川鄜州延長諸處南之郃陽西南之澄城每歲負擔墮廩

絡繹於路度溝歷澗風雨雪霜日夜不絕富室貧家率寄囊
殫於市集倘三日閉糴則人皆不火矣蓋民之艱如此中人
之產田不能過五畝芝川司馬坡迤北水渠縱橫悉種麻稂
近隴坡者率以木棉計畝可收禾稼之利二倍許近復種藍
爲澌澌收則復以穀穀以後復麥其勤苦殆十倍他邑也其
諸果木之利出於山者不一然以爲終歲謀則尚有無衣無
食婦歎於室者謂韓爲小江南亦以其山水都麗雲木叢脩
樓館參差望之如圖畫耳而民爲邦本食唯民天胡勿殷殷
焉

韓山廣松平地亦宜松槐柏桐楸榆柳之盛望之蔚然而深
秀也

西北山椒迤邐溪澗插林殆滿霜落時一望紅紫如二月花

人服其實食以佐穀柿有數種最大者名霸王次尖頂次重
寧曰扁柿方且滿天紅又曰鐵板小而色紅者曰朱柿
榛栗核桃尤勝杉桃較商雒者雖少減而繁則相將

菜則木耳乾蕨菱蒿苳芥芹蕨萱茄蒜韭蘿蔔瓠瓜花椒
瓜有菜瓜香瓜西瓜南瓜西瓜之長者名晉瓜味甘如蜜近
有黃瓢瓜更佳

棉有白棉紫棉

麻之上者爲綫麻次者爲白麻

藥則有紫艸黃芩連翹知母柴胡桔梗麻黃葛根荆芥防風
蒼朮車前子沙參丹參苦參地榆山查漏蘆牛蒡子天花粉
瓜蒌益母艸澤蘭赤芍升麻葛根前胡瞿麥五倍子黃精兔
絲子五味子芫花地骨皮紫蘇牽牛百合桑寄生牙皂谷精

艸旱蓮艸蓀茲艸王不留行劉寄奴金銀花茵陳遠志

花則牡丹芍藥饒於山谷

山多虎有豹有麝鹿有雉詩稱韓有貓有虎有熊有羆今熊羆靡睹則耕者衆而山童熊羆用是他徒爾

畜則馬牛羊驢騾犬豕羽則鷺鳴雞鵠

宋時有冶戶包孝肅有請罷同州韓城縣鐵冶務疏鐵冶之利今則微矣

山澗有鱖鼈河魚有鯉有鱣池魚亦間有鯽

石炭在禹門上荒山絕壑人穿穴以出之每數十百艘連尾上下自達渭至於長安監鄠之西載以易粟

風俗

續志韓士敦樸無異他郡邑明嘉隆之後制科浸盛仕宦崇

高士生其間服飾車馬自質而文由朴而華亦理之常也工
不作奇貨而巧者往往有佳製制器尚象不鄙不俗商賈之
利縣北爲多前志所稱南敦稼穡北尚服賈者此其大較也
士大夫冠禮久廢如婚姻喪葬節侯往還大約與諸縣相同
省志朴實惜異於古剛悍喜滅於今

塚墓

馬志在縣西保安村

舊志保安邨麓有巨塚三相傳爲公孫杵臼程嬰趙武墓邑
志載之何景明著雍大記止稱杵臼墓在韓城縣西南嬰墓
在縣西南保安邨獨不及趙武墓夫文子國君與祖必不從
嬰杵而寔雍大記不載趙武者不爲俗惑也

漢司馬靳

漢書
作靳墓

史記太史公自序與武安君阬趙長平軍還而與之俱賜死
杜邠葬於華池斬孫昌昌爲秦王鐵官昌生無澤無澤爲漢
市長無澤生喜喜爲五大夫卒皆葬高門

水經注高門華池在夏陽西城北漢陽太守殷濟精舍四里
所今高門東去華池三里

案晉灼注史記云華池在鄠縣誤

興屬國蘇武墓

續志武墓在蘇山有柏三百餘株枝皆南向墓前有石碣一
題爲漢蘇子卿墓按子卿武功人今京兆有墓而此地傳有
墓立祠今山下諸邨多蘇姓豈其裔耶古人達觀葬無定所
往往有然

閭中陵墓志郡國志云武冢在好畤縣東三十里按長安志
好畤縣不情所置漢縣在奉天界今在乾州東七里晉縣在

舊縣南二里唐縣在州西北六里宋元同之今併入永壽則武冢在武功縣東三十里守節鄉者近是韓城亦有蘇武墓左懋第新蘇子卿墓垣記子卿墓在韓城西北五里姚莊邨梁山之麓因有墓名蘇山焉

太史公司馬遷墓

水經注子長墓前有廟廟前有碑永嘉四年漢陽太守殷濟瞻仰遺文大其功德遂建石室立碑樹柏太史公自序曰遷生龍門是其墳墟所在矣

雍勝畧司馬遷墓在韓城縣南芝川鎮墓前有坡因號司馬坡而建祠焉

褚遂良撰隋清娛墓誌永徽二年九月余判同州夜靜坐於西廳若有若無猶夢猶醒見一女子高髻盛妝泣謂余曰妾

漢太史司馬遷之侍妾趙之平原人姓隨名清娛瘞於長樂亭之西不揣人神之隔乞一言銘墓以垂不朽余感寤銘之宋勅封法王房賓墓

在西莊邨西南

宋司徒侍中康節公張昇墓

在芝川漫沒無存

雷氏四墓

在蘇邨北四塚皆東向無碑誌可攷第相傳爲雷令公墳

元京兆府參議兼儒學提舉郝門臣墓

在柳邨

孝子薛真墓

在新莊

明光祿少卿周成墓

在英邨

布衣高旻墓

在孝義邨

參政王盛墓

在蘇邨北

順慶府知府李傑墓

在澗西邨

義民黨孟朝墓

在黨家邨

寧波府經歷程萬里墓

在西原邨

宮保南京戶部尚書張士佩墓

在芝川鎮西北勅賜墳田

馬副使永亨墓

在芝川鎮西

順慶府知府張元善墓

在顏家溝南

河南布政使薛亨墓

在澗南邨南

大同府知府吳從周墓

在竹園邨西

貴州參政張邦敬墓

在芝川鎮北

懷仁知縣梁元墓

在帶邨西

威州知州張士魁墓

在芝川鎮西

榆社知縣吳永圖墓

在竹園邨

贈吏部員外郎衛王道墓

在渚北邨西南

雲南參政張邦俊墓

在芝川鎮北

太常少卿韓芳墓

在王莊邨東

保寧知府薛國彥墓

在新莊

巡撫宣府都御史解經邦墓

在解家村北

刑科給事中閻可陞墓

在白家莊西

少保武英殿大學士薛國觀墓

在城北邨北原上

吏部郎中衛先範墓

在渚北邨西南

巡撫大同都御史忠毅公衛景瑗墓

衛氏祖塋誌在衛家邨西南一里

贈翰林院編修衛之珪墓

在渚北邨西南

贈工部右侍郎高愉墓

在原邨西

翰林院編修解允樾墓

在解家邨北

翰林衛欽墓

在龍門

推官趙翔鴻墓

在化石邨

許州學正趙春芳墓

在化石邨

邯鄲知縣孫必達墓

在邯鄲界白湄邨北

孝子師恂墓

在麻園邨南

王應朝墓

在薛峯邨

諸生梁民養墓

在帶邨西

諸生賈賓王墓

在潘莊邨

諸生孫沅墓

在雙樓邨東原上

諸生劉士藻墓

在馬邨

諸生薛乘龍墓

在董邨

本朝李知縣楓墓

李因篤撰墓志楓康熙甲辰會魁二十七年戊辰八月卒葬
韓城縣東龍嶺塋卽公所自卜

御史賈宏祚墓

張廷樞撰墓志宏祚順治丁亥進士卒於康熙三十三年六
月葬於韓城東原新塋

高拱撰墓志子明經締芳葬相里邨之先塋

知縣程必昇墓

張可立撰墓志必昇順治乙未進士卒於康熙三十三年三月明年臘月葬韓城西僻曲邨之星宿坡

孝廉吉庚墓

王養大撰墓志庚康熙甲午舉於鄉次年十月卒卜厝於韓城東先塋

巡撫劉蔭樞墓

白潢撰墓志蔭樞康熙丙辰進士卒於雍正癸卯九月詠吉於雍正三年乙巳十一月寢於韓城譚馬邨西北祖塋之次贈光祿大夫王廷詔墓

在縣東南仁和寨翰林孫景烈誌其墓

韓城縣志卷二終

釋賦

韓城縣志卷三

縣續志

田賦 原額民地四等通融折正中地三千九百五十七頃二十五畝二分七釐每畝科糧六升一合七勺五抄二圭三粟四粒共糧二萬四千四百三十六石一斗二升八合六抄二撮每石折徵銀一兩二錢八分五釐九毫四絲六忽五微九纖四塵三渺共額徵銀三萬一千四百二十三兩五錢五分五釐六毫五絲九忽八微三纖四塵八渺內於康熙八年五月蒙督撫兩部院會題爲秦屬蠲免事案內奉

旨免過黃河衝崩地二十一頃七十九畝五分六釐五毫九絲五忽應免糧一百三十四石五斗八升八合七勺七撮四圭三粟應免銀一百七十三兩七分三厘八毫八絲九忽九

徵五纖八渺實在地三千九百三十五頃四十五畝七分四毫五忽內上地一百四十頃八十九畝六分五厘九毫七絲八忽三微每畝科糧一斗九合五勺零每畝折中地一畝七分七厘四毫二絲共折中地二百四十九頃九十七畝八分七厘零中地三千五十八頃七十一畝八分一厘九毫一絲一忽八微三纖八塵四渺下地六百三十五頃六十九畝八分三厘二毫三忽六微每畝科糧四升二合零每畝折中地六分八厘一毫三絲共折中地四百三十三頃一十畝一分二厘零下地五百二十一頃九十九畝一分四厘八毫一絲九忽每畝科糧二升二合九勺零每畝折中地三分七厘一毫共折中地一百九十三頃六十五畝八分八厘零以上四等通融折正中地共三千九百三十五頃四十五畝七分

四毫五忽該糧二萬四千三百一石五斗三升九合三勺五抄四撮五圭七粟折徵銀三萬一千二百五十兩四錢八分一厘七毫六絲九忽八微八纖四塵均徭糧條銀四千五百一十三兩八錢六分九厘七毫四絲九忽五微二纖三渺停免均徭糧銀三百二十一兩七錢九厘四絲一忽外附東少等里首報糧條銀三兩二錢三九一厘軍籍加增糧銀六百五兩九錢九厘三毫八絲九忽五微三纖五渺每石糧徵銀一兩五錢九厘九毫九絲四忽九微二纖四塵三渺以上大糧并均徭糧條停免外附軍籍共徵銀三萬六千六百九十五兩二錢九毫四絲九忽九微三纖四塵八渺閏月均徭糧條銀二百二十五兩五錢五分二厘五毫八微二纖一塵每石糧連閏徵銀一兩五錢一分九厘二毫七絲六忽三微二

織六塵九渺八漠八沙以上大糧并均徭糧條停免外附軍
籍及閏月共徵銀三萬六千九百二十兩七錢五分三厘四
毫五絲七微五纖五塵八渺 原額人丁三門九則不等共
折下丁七萬二百四十四丁除匠價外每丁徵銀四分八
厘二毫八絲二忽八微五纖五塵六渺應徵并匠價共銀三
千五百九兩二錢二分五厘九毫五忽九微內除優免丁一
千七百三十二丁該銀八十三兩六錢二分五厘九毫五忽
九微行差丁六萬八千五百一十二丁共額徵銀三千四百
二十五兩六錢內除匠價銀一百一十七兩六錢四分五厘
止該銀三千三百七兩九錢五分五厘順治七年九月內蒙
督撫具題奉

旨豁免過逃亡丁五千九百七十一丁應除銀二百八十八

兩二錢九分六厘九毫三絲三忽二微又節年招回并審出
丁二千四百六十七丁該徵銀一百一十九兩一錢一分三
厘七毫六絲四忽七微八纖九塵六渺實在丁六萬五千八
丁該銀二千一百三十八兩七錢七分一厘八毫三絲一忽
五微八纖九塵六渺內於康熙八年五月內蒙督撫兩院會
題徵秦屬蠲免事案內奉

旨免過捏報無影鬼名人丁二千四百二十四丁應免丁銀
一百一十七兩三分七厘六毫四絲一忽九微七纖四塵四
渺止實在行差丁六萬二千五百八十四丁每丁人徵銀四
分八厘二毫八絲二忽八微五纖五塵六渺共徵銀三千二
十一兩七錢三分四厘一毫八絲九忽六微一纖五塵二渺
停免丁八百九十八丁徵銀四十三兩三錢五分八厘四忽

三微二纖八塵八渺軍籍加增丁銀八百五十一兩五錢八分九厘六絲七微四纖三塵二渺每丁人應徵并停免軍籍加增丁銀分微銀六分一厘六毫九絲七忽五微八塵八渺以上丁條并停免軍籍共徵銀三千九百一十六兩六錢八分一厘二毫五絲四忽六微八纖七塵二渺閏月丁條均徭銀一百九兩五錢八分八厘三絲六忽四塵五渺每丁人連閏徵銀六分三厘四毫二絲三忽七微九纖四塵以上丁條并停免軍籍及閏月共徵銀四千二十六兩二錢六分九厘二毫九絲六微九纖一塵七渺以上地丁徵銀四萬六百一十一兩八錢八分二厘二毫四忽六微二纖二塵遇閏加銀三百三十五兩一錢四分五毫三絲六忽八微二纖五塵五渺以上地丁連閏共徵銀四萬九百四十七兩二分二厘七

毫四絲一忽四微四纖七塵五渺外遇科年加解布政司紙
劄銀八兩七錢四分 額外課程銀一百一十二兩九錢四
分遇閏加銀九兩四錢一分一厘六毫六絲匠價銀一百一
十七兩六錢四分五厘遇閏加銀九兩八錢三厘七毫五絲
丈出黃河灘池除扣還民地外止該灘地三百一十八頃三
十六畝六分九厘二毫一絲該糧一千九百六十五石九斗
二升三合一勺八抄六撮九圭六粟該大糧銀二千五百二
十八兩七分二厘二毫四絲五忽內除蠲免衝決并秦屬蠲
免衝崩砂磧共地二百四十五頃四十五畝三分三厘一毫
七絲九忽二微該除糧一千五百一十五石六斗七升九合
九勺八抄一撮七圭六粟三粒該除太糧銀一千九百四十
九兩八分三厘五毫二絲二忽二微二纖三塵八渺實熟地

七十二頃九十一畝三分六厘三絲八微該徵糧四百五十石二斗四升三合二勺五撮一圭九粟七粒該徵大糧銀五百七十八兩九錢八分八厘七毫二絲二忽七微七纖六塵二渺均徭銀三百六十五兩一錢五分二厘四毫內除蠲免衝決并秦屬蠲免衝刷銀二百八十一兩五錢二分二厘二毫七絲九忽四微三纖五塵九渺實徵均徭銀八十三兩六錢三分一毫二絲五微六纖四塵渺又康熙十六年首報出額外灘地六十一頃六十八畝四分一厘七毫七絲該折色糧三百八十石九斗一合二勺三抄六撮三圭八粟四粒該折徵銀四百八十九兩八錢一分八厘六毫四絲七忽六微九纖二塵七渺均徭銀七十兩七錢五分二毫一絲四忽四微七纖六塵二渺以上額內額外地丁并課程匠價黃河砂

續前報額外灘地起存共徵銀四萬二千六十五兩六錢五分四厘九毫一絲一微三纖一塵二渺遇閏地丁課程匠價加銀三百五十四兩三錢五分五厘九毫四絲六忽八微二纖五塵五渺以上額內額外地丁并課程匠價黃河砂磧首報額外灘地起存連閏共實徵銀四萬二千四百二十兩一分八毫五絲六忽九微五纖六塵七渺零起運戶部項下地丁起運兵餉折色銀二萬四千一百六十五兩二錢二分六厘零禮部項下解藥味銀四兩二錢七分五厘零解藥腳價盤纏銀二兩五錢解牲口銀四十四兩六錢七分八厘零工部項下解軍器鐵料腳鞘價銀二十九兩三錢四分一厘零解年例銀一千四百七十一兩七錢二分四厘零解額協潼津潼關等驛所站支抵餉銀七千七百九十二兩七錢八分

七厘零解協臨洮府狄道縣站銀八兩一錢五厘零解舊編
冗費裁扣充餉銀二千八百五十兩二錢六分一厘零閏月
裁扣充餉銀八十兩六錢三分三厘零解酌議捐省并請裁
可緩等事案內裁扣充餉銀二兩五錢六分六厘零解欽奉
上諭并酌議捐省敬陳減差驛遞之差使甚少四案內奉裁
驛站充餉銀三百二十九兩三錢五分二厘閏月裁扣充餉
銀六十三兩三錢二分零解二年一辦歲貢赴京盤纏銀一
十七兩三錢二分九厘零解三年一辦舉人會試盤纏銀二
十六兩一錢五分四厘零解新舉人旗牌花紅酒席銀一兩
六錢四厘零解舉人坊牌盃盤銀二兩四錢一分一厘零解
進士坊價銀四兩三錢三分二厘零解停免兵餉銀三百六
十五兩六分七厘零解新增軍籍丁糧銀一千四百五十七

兩四錢九分八厘零解外附東少等里首報糧條銀三兩二錢三分一厘又丈出黃河砂磧灘地大糧并均徭銀六百六十二兩六錢一分八厘零十六年首報額外灘地大糧并均徭銀五百六十兩五錢六分八厘零課稅銀一百一十二兩九錢四分閏月加銀九兩四錢一分一厘零匠價銀一百一十七兩六錢四分五厘閏月加銀九兩八錢三厘零以上連閏共起運銀四萬三百四兩九錢三分二厘四毫五絲四忽三微八纖五塵八渺外除禮部解藥脚價盤纏銀二兩五錢存留解布政司半留紙劄銀一兩六錢六分零解夫馬站內浮多銀七錢四分四厘零解夫馬站內新墾銀一兩八錢七分五厘解潼關乾馬銀三十四兩六錢四分八厘零解損夫閏月新增銀八錢九分九厘零解驛傳道並本縣各官閏月

俸薪銀二十兩三錢三厘零坐派驛傳道一員俸薪銀一百
一兩五分八厘零門子四名工食銀二十三兩九分八厘零
閏月銀一兩九錢二分四厘零快手一十二名工食銀六十
九兩二錢九分六厘零閏月銀五兩七錢七分四厘零皂隸
一十二名工食銀六十九兩二錢九分六厘零閏月銀五兩
七錢七分四厘零輪傘扇夫七名工食銀四十兩四錢二分
三厘零閏月銀三兩三錢六分八厘零聽事吏二名工食銀
一十一兩五錢四分九厘零閏月銀九錢六分二厘零舖兵
二名工食銀一十一兩五錢四分九厘零閏月銀九錢六分
二厘零水縣知縣一員俸薪銀四十三兩三錢一分零門子
二名工食銀一十一兩五錢四分九厘零閏月銀九錢六分
二厘零皂隸一十六名工食銀九十二兩三錢九分五厘零

閏月銀七兩六錢九分九厘零馬快手八名工食草料銀一百二十九兩三錢五分一厘零閏月銀一十兩七錢七分零民壯五十名工食銀二百八十八兩七錢三分四厘零閏月銀二十四兩五分一厘零燈夫四名工食銀二十三兩九分八厘零閏月銀一兩九錢二分四厘零看監禁子八名工食銀四十六兩一錢九分七厘零閏月銀三兩八錢四分九厘零轎傘扇夫七名工食銀四十兩四錢二分三厘零閏月銀三兩三錢六分八厘零庫子四名工食銀二十三兩九分八厘零閏月銀一兩九錢二分四厘零斗級四名工食銀二十三兩九分八厘零閏月銀一兩九錢二分四厘零縣丞一員俸薪銀三十八兩四錢九分八厘零門子一名工食銀五兩七錢七分四厘零閏月銀四錢八分一厘零皂隸四名工食

銀二十三兩九分八厘零閏月銀一兩九錢二分四厘零馬
夫一名工食銀五兩七錢七分四厘零閏月銀四錢八分一
厘零典史一員俸薪銀三十兩三錢三分六厘零門子一名
工食銀五兩七錢七分四厘零閏月銀四錢八分一厘零皂
隸四名工食銀二十三兩九分八厘零閏月銀一兩九錢二
分四厘零馬夫一名工食銀五兩七錢七分四厘零閏月銀
四錢八分一厘零教諭訓導二員俸薪銀三十兩三錢三分
六厘零齋夫三名工食銀三十四兩六錢四分八厘零閏月
銀二兩八錢八分七厘零膳夫二名工食銀一十二兩八錢
二分八厘零閏月銀一兩六分九厘零門斗三名工食銀二
十兩七錢八分九厘零閏月銀一兩七錢三分二厘零新復
三分復一廩生餼糧銀六十一兩五錢九分五厘零閏月銀

五兩一錢三分三厘零春秋祭祀銀八十兩八錢七分二厘
零霜降祭旗縣并犒賞民壯銀四兩八錢一分三厘零鄉飲
銀四兩八錢一分三厘零本府永豐倉斗級一名工食銀一
十兩二錢六分九厘零閏月銀八錢四分六厘零鐘鼓夫五
名工食銀一十一兩五錢五分三厘零閏月銀九錢六分二
厘零各舖司兵一十七名工食銀七十八兩五錢六分一厘
零閏月銀六兩五錢四分四厘零孤貧一十七名口月糧銀
四十七兩一錢二分一厘零孤貧冬月布花銀八兩一錢八
分零損夫一十二名工食銀一百二十九兩六錢閏月銀三
十一兩六錢八分四厘遞馬五匹草料銀一百三十六兩三
錢八分零閏月銀三十五兩五錢三分六厘馬夫三名半工
食銀二十七兩以上連閏共存留銀二千一百一十二兩五

錢七分八厘四毫二忽五微七纖九渺

鹽賦 每歲應銷鹽引六十萬觔額繳引三千張

賦役全書

烟稅 每歲稅銀五錢四分

資政書

田賦 原額民地通融折正中地共三千九百五十七頃廿五畝二分七厘除蠲免外實熟地三千九百三十五頃四十五畝七分四毫五忽實徵折色糧銀三萬一千二百五十兩四錢八分一厘七毫六絲九忽八微八纖四塵額外首報糧條銀三兩二錢三分一厘額外首報丈出河灘除扣還民地並蠲免衝決砂磧外實熟地一百三十四頃五十九畝七分七厘八毫八微實徵折色糧銀一千六十八兩八錢七厘三毫

七絲四微六纖八塵九渺停免並軍籍糧銀九百二十七兩
六錢一分八厘四毫三絲五微三纖四渺均徭銀除蠲免外
並首河灘地畝銀四千六百六十八兩二錢五分八絲四
忽五微六纖六渺原額民丁共折下下丁七萬二百四十四
丁除優免外實在丁六萬二千五百八十四丁雍正五年以
糧載丁共均丁銀五千八百六兩八錢三分七厘六毫一絲
五忽五微六纖八塵七渺永不加賦丁五十三丁額外匠價
並課程共銀二百三十兩五錢八分五厘起運銀四萬二千
三十一兩八錢五分二厘七毫三忽五微二纖八塵遇閏加
徵銀六百六十九兩二錢七分六厘二毫五絲三忽三微二
纖三塵九渺存留銀一千九百二十三兩九錢五分八厘五
毫六絲七忽四微八纖四塵一渺遇閏加徵銀一百八十八

兩六錢一分九厘八毫三絲五忽八纖六塵八渺

縣冊

田賦 原額民地四等通融折正中地除康熙八年及乾隆五
年在於泰屬蠲免並遵

旨詳查議奏事案內豁免外實熟地三千七百三十一頃七
十六畝一分二釐四毫每畝科糧六升一合七勺五抄零共
額徵糧二萬三千四十三石七斗一升三合該徵銀二萬九
千六百三十二兩九錢八分五釐

外附東小等里首報糧條銀三兩二錢三分一釐

又丈出黃河灘地除蠲免衝次並泰屬蠲免衝崩砂磧乾隆
二五等年題明徵陳管見並遵

旨詳查議奏等咨案內奉

旨豁免外實熟地三十四頃三十七畝四分四釐應徵糧二
百一十二石二斗六升二合七勺應徵銀二百七十二兩九
錢五分九釐

原額人丁三等九則不等共折下下丁優免外實在丁六萬
二千五百八十四丁每丁除匠價外徵銀四分八釐二毫八
絲二忽零應徵銀三千二十一兩七錢三分四釐於雍正五
年奉

支攤入民糧內據康熙五十二年丁冊定爲常額永不加賦
乾隆三十七年六月欽奉

上諭嗣後編審之例永行停止

原額均從銀除節年各案奉

旨豁免外實徵均從銀四千二百八十兩二錢三分六釐

又丈出黃河灘地除節年各案奉

旨豁免外實徵均糧銀三十九兩四錢二分六釐

外遇閏加徵除荒外實徵銀三百二十三兩二錢九分三釐
停免丁糧銀三百六十五兩六分七釐

匠價銀一百一十七兩六錢四分五釐

遇閏加銀九兩八錢四釐

新增軍籍丁糧銀一千四百五十七兩四錢九分八釐以上
三項在於敬陳管見等事案內攤入民地糧內徵收

又於請做以糧載丁等事案內增銀一千八百九十兩一錢
五分六釐

遇閏加增銀一百三兩五錢四分

又額外課程銀一百一十二兩九錢四分

遇閏加銀九兩四錢一分二釐以上額內額外課程等項官
徵共銀四萬一千六百三十九兩九錢二分六釐內
起運銀三萬九千七百六十五兩八錢四分六釐
禮部解藥脚價銀二兩五錢

課程連閏一百二十二兩三錢五分二釐

存留銀一千七百四十九兩二錢二分八釐

監生每歲額銷引三千七十五張代銷高陵長武蒲城夏縣
以額作餘引一百八張共應銷鹽七十六萬三千九百二十
斤

釋倉

常平倉有三一在縣署內一在縣署西偏一在縣署東偏
社倉十八所在城一東鄉一一雙樓社一謝村社西鄉一一

薛峯社一石佛社南鄉六一芝川社一賀龍社一蘇村社一
西馬村社一馬村社一英村社北鄉七一姚庄社一咎村社
一西原社一原村一楊村社一西庄社一林舉社

釋口

共戶三萬四千八百六十七戶共口一十九萬四千四百四
十二口計男大口六萬六千九百四十八男小口四萬四千
四百六十女大口五萬六千四百一十八女小口二萬六千
六百一十六

散賑康熙三十年价寶薛允治出粟二百石賑饑民六十年
生員薛一琴出粟二百石監生強宏任散粟百石銀二百兩
監生郭錫斌出粟六十石生員王志謙以銀穀散濟鄉鄰費
高實出粟散賑監生嚴雲翼出粟濟貧賑雲助歲歉賑賑价

實徐贊爵又賑雍正十三年監生李宗樹捐銀三百兩大實
劉熙鵠監生馮維隆州同馮憲中監生陳璉監生胡紀舜職
監吉維前生員楊聚玘劉閣修監生劉樹立貢生劉與敬張
謙慎監生郭忠州同衛萬選監生師文翠貢生師文羽生員
顏炳仁監生文汝爲貢生文健貢生孫大定監生樊景清職
監史楊懋監生朱珮各捐銀散賑乾隆十三年監生孫開先
貢生胡纘舜監生徐燾璋州同孫成燧各出粟五十石監生
師文光王安寧又有劉士環趙之雲王錫祚監生許澈耆實
強如舉監生孫成燦鄉飲程元相貢生胡增昌監生王瑞監
生王沛州同徐萬各散賑十七年監生劉天良監生李宗極
吉纘貢生郭嗣京監生孫帝佐二十四年貢生師貞充監生
師元庚監生樊應科州同郭汝明薛廷錫監生李宗梅監生

梁必選貢生張燧吳正經者賓劉世寵監生王福迎監生蘇
江生監生王鑑貢生劉璵監生劉若澗監生王執信各出銀
粟不等散賑三十六年武舉樊民治理問師建極知縣劉大
儒貢生陳廷璵監生孫勳衆監生劉時恒監生胡炳元監生
丁森監生丁繼曾馬宗漢監生丁智忠監生薛必盛監生吳
廣勳貢生吉大順王炎監生孫帝聘監生解天錫雷綵監生
劉大順貢生薛楠者賓趙大桂監生許克光監生柳光陽張
開蒙監生胡永誥監生胡廷誥生員張問仁監生張清發監
生許安泰監生衛寧李惕監生孫自純貢生壽雲仙各出銀
粟棉花不等散賑四十二年同知師彥公貢生吉大利同知
吉大泰貢生師元璵監生梁俊偉生員吉繼志監生王權監
生吉永梁文甲貢生張帆監生張行仁監生高廷禧監生白

世奇監生王興郭世金監生程起坤職貢簡子貞監生耿有
極監生李天長監生胡鵬揚監生劉惠吉耆實段鵬程趙永
芳張文倉監生孫重道生員郭可舉趙晉監生薛立先監生
丁振邦監生陳永安監生陳不寅監生雷萬鑑監生苗進祿
生員徐常謙段學禮王連和監生韋庚燭監生王天祥監生
解璧立徐宗節監生劉滿監生吳崑李椿生貢生師學思梁
崇豫梁崇尚各出銀粟散賑又有閩薛氏亦散賑